

- Andr. Strum.* 26. Per tres dies ante mortem adolescens mire pulcritudinis ad eum accessit
 § 81 et in cunctis ei necessariis ministravit et quoad vixit se ab eo nullatenus separavit. Cumque^s monaci ea, que dicebat eos facere circa infirmos, facta peroptime cernerent et quis faceret non viderent, sancto humili voce proponunt et quis sit sibi exponi dulci affamine quesierunt. „Quis sit iste, filii predilecti, vobis expono, sed, quod nulli dum hic vixero dicatis, virtute obediencie vobis mando. Hic de monte dei⁵⁵ hic accessit, frater Benignus vocatur ut dicit, indicibilis pulcritudinis existit, ab adolescentia nondum etate secessit“. De isto nil ulterius postulaverunt, eius quia deputatum fore sibi^t angelum crediderunt.
27. Appropinquante hora sui obitus scribam suum monachum aduccari^u mandavit et que sequuntur in cedula scribi et suis imponi manibus hora sui transitus et sic sepeliri virtute obediencie astantibus imperavit: „*Ego frater Iohannes credo et confiteor fidem, quam sancti apostoli predicaverunt et in quatuor conciliis sancti patres confirmaverunt*“⁵⁶. Et hiis dictis sacrosancte matris ecclesie omnia sacramenta summa devotione recepit et in celum levatis oculis omnibus monachis astantibus et psallentibus ipsa facie clarissima dicere cepit: „*Sitivit anima mea ad deum fontem vivum, quando veniam et apparebo ante faciem domini, saciabor dum manifestabitur gloria tua, domne*“⁵⁷. Et confestim signo crucis se muniens, caput in brachia monachorum astancium et fletu suavi psallentium anima illa sanctissima celica penetravit quarto Idus Iulii MLXIII⁵⁸, tempore^v Alexandri summi pontificis et Heinrici imperatoris, etatis sue anno LXXXV. Cuius sanctum corpus fratres triduo insepultum servaverunt et semper ex ipso emanare odorem mirificum tanto estu assidue perceperunt.
- Andr. Strum.* 28. Sancti viri fama volante ad eius exequias bene una dierum antequam
 § 84 sepeliritur tria milia hominum utriusque sexus venerunt; cellerario monasterii de victualibus cogitationem maximum intulerunt. Cogitatum in meritis sancti iactavit et ex olla, qua cochina fiebat pro conventu, sine aliqua super-

s) -que von zweiter Hand eingefügt. t) über der Zeile u) von adductare.
 v-v) von zweiter Hand unter den Text gesetzt.

⁵⁵) Vgl. Num. 10, 33: *de monte domini*.

⁵⁶) Andreas, Vita S. Ioh. Gualb., MGH SS 30, 2 S. 1101; Hatto, Vita S. Ioh. Gualb., Migne PL 146 Sp. 701: ... *et sancti patres in quatuor conciliis* ...

⁵⁷) Ps. 41,3 (Vulg.): *Sitivit anima mea ad deum fortem vivum, quando veniam et parebo ante faciem dei*. Ps. 16,15 (Vulg.): *Satiabor cum apparuerit gloria tua*.

⁵⁸) 12. Juli, natürlich 1073.